

आकाशवाणी

खास-खास खबरां:-

- संसद दे दौनें सदनें विदेशी अंशदान विनियमन संशोधन विधेयक 2026 गी अगगे दी समीक्षा लेई संसद दी सांझी कमेटी गी भेजी दिता ऐ जेहड़ा इस सरबंधि 2010 बरे दे कनून च सुधार करोग।
- कलकत्ता हाई कोर्ट नै पच्छिम बंगाल च तृणमूल कांग्रेस सरकार आसेआ तरमीम कीते गेदे नियमें तैहत जारी सब्भनें- OBC-A ते OBC-B परमाण-पत्र रद्द करी दिते न।
- पंजाब ते हरियाणा हाईकोर्ट ने पंजाब च 454 फोर्मेसी अफसरें दी भर्ती प्रक्रिया पर, 17 सितम्बर गी इस मामले दी सुनवाई तगर रोक लाई दिती ऐ।
- मौसम विभाग नै उत्तरी बंगाल दी खाड़ी च हवा दे घट्ट दबाऽ आला खेतर बनने दी संभावना जताई ऐ जेहदे असर कन्नै अज्ज ओपिशा ते पच्छिम बंगाल च तेज बरखा दे असार न।
- बलूचिस्तान दे सुराब जिले च कल पाकिस्तानी ब्हाई फौज दे हमले च महिलाएं ते बच्चें सने 30 शा मते लोक मारे गे न ते कैई जनें घाऽल बी होए न।
- भारत ते अफगानिस्तान बश्कार नमीं दिल्ली च 13 कोला 17 सितम्बर तगर 3 टी-20 क्रिकेट मैच खेड्ढे जागंन। भारती क्रिकेट कंट्रोल बोर्ड ते अफगानिस्तान क्रिकेट बोर्ड दौने एहदी तस्दीक कीती ऐ।

<><><><><><><>

LS -Bill

संसद दे दौनें सदनें विदेशी अंशदान विनियमन संशोधन विधेयक 2026 यानी फारेन कांन्ट्रीव्यूशन रेगुलेशन अमेंडमेंट बिल 2026 गी अगगे दी समीक्षा लेई संसद दी सांझी कमेटी गी भेजी दिता ऐ- जेहड़ा इस सरबंधि 2010 बरे दे कनून च सुधार करोग।

गृह राज्य मंत्री नित्यानंद राय ने विधेयक गी व्यापक परामर्श लेई संसद दे दौनें सदने दे मिम्बरें दी सांझी समीति गी भेजे जाने दा प्रस्ताव लोक सभा च पेश कीता। इस समीति च अध्यक्ष आसेआ नामजद राज्यसभा दे 10 सांसद शामिल होगन। समीति स्यालै आहले इजलास दे पैहले हफ्ते दे खीरी ध्याड़े एहदी रिपोर्ट पेश करोग।

<><><><><><><>

Par. Last Day

संसद दे बरसांती आहले इजलास दा अज्ज अखीरी ध्याड़ा ऐ। पिच्छले महीने दी 20 तरीक सवा शुरु होए दा एह इजलास अज्ज मुक्की जाहग। राज्यसभा च अज्ज खाने ते खनिजें सरबंधी तरमीमी बिल -2026 पर चर्चा होनी तैह ऐ। दौनें सदनें च अज्ज प्राइवेट मिम्बर बिल चर्चा लेई रखे जाहगन।

<><><><><><><>

Calcutta HC-OBC

कलकत्ता हाई कोर्ट नै पच्छिम बंगाल च तृणमूल कांग्रेस सरकार आसेआ तरमीम कीते गेदे नियमें तैहत जारी सब्भनें-होरनें पिच्छड़े वर्गे यानि OBC-A ते OBC-B परमाण-पत्र रद्द करी दिते न। जस्टिस राजशेखर मांथा ते जस्टिस अनुज सिंह हुंदी पीठे आखएआ ऐ जे OBC-A ते OBC-B आहलियां श्रेणियां हून राज्य च लागू नैई होगन। OBC-A ते OBC-B श्रेणी आहला विवाद 2010 दे बाद आहली अवधि कन्नै जुड़े दा ऐ-जिसलै उसलै दी तृणमूल कांग्रेस सरकार नै OBC श्रेणी गी दंडु वर्गे च बांपी दिता हा। एहदे बाद OBC परमाण पत्र जारी करने च बेजाब्तिएं ते गुज्जखोरी दे आरोप लगगे हे ते इसी कनूनी तौरा पर चनौती दिती गई ही। 2024 च कलकत्ता हाई कोर्ट नै 66 समुदायें गी OBC दी लिस्ट च रखे जाने गी रद्द करी दिता हा ते उन्दे परमाण पत्र बी अवैध घोषत कीते गे हे। उसलै दी राज्य सरकार नै इस हुक्म गी सुप्रीम कोर्ट च चनौती दिती ही-पर उन्नै बी हाई कोर्ट दे फैसले गी बरकरार रखेआ हा।

<><><><><><><>

Punjab Paper Leak

पंजाब ते हरियाणा हाईकोर्ट ने पंजाब च 454 फोर्मेसी अफसरें दी भर्थी प्रक्रिया पर-17 सितम्बर गी इस मामले दी सुनवाई तगर रोक लाई दिती ऐ। जस्टिस संदीप मौदगिल होरें केशव कंबोज ते होरनं दी अर्जी पर सुनवाई करदे होई-भर्थी प्रक्रिया अगड़े पाने दा हुकम जारी कीता ऐ। याचिका च पंजाब च सेहत ते परोआर कल्याण मैहकमे दे तैहत 454 फोर्मेसी अफसरें दी नियुक्ति लेई पिछले महीने दी 19 तरीक गी होए दे लिखत मतेयान गी रद्द करने दी मंग कीती गई ही। अर्जी च दावा कीता गेआ हा कि इक गिरोह नै अंदर मैहकमे दी सं-गं कन्नै इस म्तेहान च गलत तरीके दा इस्तमाल कराइयै गड़बड़ी करोआई ऐ। पिछले महीने 28 तरीक गी जारी कीते गेदे अंतरिम हुकमा च अदालत नै निर्देश दिता हा जे ताल प्रक्रिया अगड़े बधाने दा फैसला अर्जी पर सुनवाई दे बाद होग। पंजाब पुलसै पिछले महीने 19 तरीक गी भर्थी म्तेहान दे दौरान चलाए जा' रदे अंतर राज्य धोखाधड़ी गिरोह दा पर्दाफाश कीता हा।

<><><><><><><><>

Trump Hormuz

अमरीका दे राष्ट्रपति ढोनाल्ड ट्रम्प होरें आखेआ ऐ जे होर्मुज जल ढमरु मध्य पर अमरीका दा पूरा नियंत्रण ऐ। उ'नै इस गल्लै दी सारत दिती ऐ कि अमरीका इस समुन्द्री रस्ते पर अपना काबू बनाई रखोग। इक सोशल मीडिया पोस्ट च ट्रम्प होरें नौसैनिक नाकाबंदी दा जिक्र कीता ते दावा कीता ऐ कि ईरान अपनी कमजोर फौजी ते राजनीतिक बवस्था कारण अमरीकी कारवाई दा परता देने दी छमता मोहाई बैठे दा ऐ।

<><><><><><><><>

US-Heli Crash

अमरीका दे टैक्सास च कल अमरीकी फौज दा इक अपाचे हेलीकाप्टर हादसे दा शकार होई गेआ-जेहदे च सोआर दौने जनें दी मौत होई गई।

हैलीकाप्टर दे क्रैश होने दे बाद अग्ग लग्गने कारण कैंई घरें गी खाली कराना पेआ। हादसे दे कारणें दा अर्जे पता नैंई लग्गा ऐ।

<><><><><><>

Prez Academy Awards

राश्ट्रपति द्रौपदी मुर्मू बरे 2024 ते 2025 लेई 115 कलाकारें गी संगीत नाटक अकैमी फेलोशिप ते सम्मान भेंट करडन। अज्ज नमीं दिल्ली दे विज्ञान भवन च आयोजित सम्मान समारोह च संस्कृति ते सैलसफा मंत्री गजेन्द्र सिंह शेखावत ते संस्कृति राज्यमंत्री राव इंद्रजीत सिंह मज्द रौहगंन। संस्कृति मंत्रालय ने आखेआ ऐ जे देसै दे बक्ख-बक्ख राज्यें ते केन्द्र शासत प्रदेशें थमां चुने गेदे एह प्रतिष्ठित कलाकार पूरे मुख्य दी अगुआई करदे न। एह कलाकार संगीत, नाच, नाटक, लोक ते आदिवासी कला, कठपुतली ते होरनें बी सरबन्धत प्रदर्शन कलाएं कन्नै जुडे दे न।

<><><><><><>

CBSE-Supply Exam

केन्द्री माध्यमिक शिक्षा बोर्ड CBSE नै 12मीं जमात दे सप्लीमेंट्री म्तेहान दे नतीजे घोषत करी दिते न। विद्यार्थी अपना रिजल्ट िजी लाकर राहें रिजल्ट पोर्टल results.digilocker.gov.in पर जाइयें दिक्खी सकदे न।

<><><><><><>

Weather

मौसम विभाग नै उत्तरी बंगाल दी खाड़ी च हवा दे घट्ट दबाऽ आला खेतर बनने दी संभावना जताई ऐ जेहदे असर कन्नै अज्ज ओषिशा ते पच्छिम बंगाल च तेज बरखा दे असर न। विभाग ने दस्सेआ जे कर्नाटक-पूर्वी उत्तर-प्रदेश-गुजरात-तमिलनाडू-कराईकल-पुदुचेरी-अंमान ते निकोबार टापुएं-केरल-गोवा ते राजस्थान च बी अज्ज तेज बरखा बरने दे इमकान न।

मध्य प्रदेश-छत्तीसगढ़-हिमाचल प्रदेश-झारखंड-जम्मू-कश्मीर-लद्दाख-मध्य महाराष्ट्र-उत्तराखंड ते भारत दे उत्तर पूर्वी हिस्सें च बी 15 तरीक तगर इस्सै चाल्ली दे हालात बने दे रौहने दी शेंका ऐ। आंध्रप्रदेश-कर्नाटक-तमिलनाडू-पुदुचेरी ते कराईकल च अगले दंरु दिनें दे दरान तेज ब्हांस चली सकदियां न।

<><><><><><>

Pakistan Attack Baloch

बलूचिस्तान दे सुराब जिले च कल पाकिस्तानी ब्हाई फौज दे हमले च महिलाएं ते बच्चें सने 30 शा मते लोक मारे गे न ते कैई जनें घाऽल बी होए न। बलूचिस्तान गणराज्य समूह ने दावा बन्नेआ ऐ जे पाकिस्तानी सेना ते वायु सेना दी बम्बारी ते गोलीबारी च कैई नागरिक मारे गे न ते सम्पत्ति गी बी नुकसान पुज्जा ऐ। संगठन ने जख्मी नागरिकें गी सुरक्षाबलें आसेआ हिरासत च लैने ते राहत ते बचाऽ अभियान रोकने दा आरोप लाया ऐ। ड्रोन ते कोबरा Gunship हेलीकाप्टरें इलाकें च गश्त कीती। उत्थे इंटरनेट सेवां बी बंद करी दिती गेइयां न। बलूचिस्तान गणराज्य ने आलमी बिरादगी गी इस स्थिति दा संज्ञान लैने ते बलोच नागरिकें दी हिफाजत करने दी गुजारश कीती ऐ। हाल दे दिनें च पाकिस्तान ने अफगानिस्तान दे इलाकें पर बी ब्हाई हमले कीते न, जिंदे च कैई बेदोसे अफगानी मारे गे ते सैंकड़ा बदे परोआरें गी बेघर होना पेई गेआ।

<><><><><><>

BCCI-ACB-T201

भारत ते अफगानिस्तान बश्कार नमीं दिल्ली च 13 कोला 17 सितम्बर तगर 3 टी-20 क्रिकेट मैच खेड्ढे जागंन। भारती क्रिकेट कंट्रोल बोर्ड ते अफगानिस्तान क्रिकेट बोर्ड दौने एहदी तस्दीक कीती ऐ। भारती क्रिकेट कंट्रोल बोर्ड दे अध्यक्ष मिथुन मन्हास होरें आखेआ ऐ कि बोर्ड अफगानिस्तान च क्रिकेट दे विकास च सहयोग देने ते अफगानी खेळारियें गी बड्ठे मकाबले च शामिल होने दा मौका देने लेई वचनबद्ध ऐ। अफगानिस्तान ने इस बरे जून महीने भारत कन्ने 3 इक-रोजा मैचे दी श्रृंखला खेड्ढी ही, दौने टीमें जनवरी 2024 च त्रै मैचे दी टी-20 अंतराशअट्रीय श्रृंखला बी खेड्ढी गई ही।

भारत ने 2018 च अफगानिस्तान दे ऐतिहासिक पैहले टैस्ट मैच दी मेजबानी कीती ही ते तंदू थमां
गै दमै टीमां बक्ख-बक्ख श्रेणियें च बकायदगी कन्नै मैच खेदियां आवाःरदियां न।

<><><><><><>